

进旨 1 卷

No. 2864

进旨

进旨 皇帝闻语满目流泪。良久乃言和尚曰。朕之小国总无供养。上人数年在其内中。朕且无心轻慢。朕虽为人主滥处乾坤。每谢上人来过小国。伏愿和尚慈悲更住。三五日间得之已否 远公曰。若夫涅槃之义本无攀缘。若有攀缘皆属妄想。伏愿陛下莫怀恫怵。贫道有愿归山。皇帝见他。远公语切便如情意难留。有勅先报六宫闈里排比祖送。是时皇帝慕恋辟宰冲冲合国大臣同时祖送。远公上路离宫口别龙楼。望[山*卢]山而路远。覩江河以逍遥。是日远公能涉长路而行遂。即密现神通。远公既出长安足下云生。如壮士展臂须臾之间便至[山*卢]山。远公亦也不归旧寺。相去十里。已来于一峻岭上权时结一草庵。彼中结跏敷坐便即重寻旧卷。再举经声荏苒之间。又经数月。远公忽望高原。乃唤此上。其境峻峯鹤鸣涧下龙吟。百谷千峯例皆花发。地平长流之水。菌开不朽之花。是如来修行之处。于是远公正坐入其三昧。然净意澄心思惟佛道念浮生不久想凡世而无憾便将自性心王造一法船归依上界。远公造船不用。凡间料口也。不要诸般。自持无漏。大乘已为榄李。菩提般若用作拘攔。金刚密迹已为。

开宝伍年张长继书记

【经文信息】大正藏第 85 册 No. 2864 进旨

【版本记录】CBETA 电子佛典 Rev. 1.8 (Big5), 完成日期: 2009/04/23

【编辑说明】本数据库由中华电子佛典协会 (CBETA) 依大正藏所编辑

【原始数据】萧镇国大德提供, 陈妙如大德输入, 北美某大德提供

【其他事项】本数据库可自由免费流通, 详细内容请参阅【中华电子佛典协会数据库版权宣告】